

TITULUS XXXII.

De Conversione coniugat.

Quaeritur in hoc titulo de coniugatis, qui iuxta formam in superiore traditam volunt Monasticam vitam amplecti. Et quidem distingendum est inter matrimonium ratum tantum, et illud, quod consummatum fuerit per copulam carnalem: si de rato sermo sit, vulgo traditur liberum esse coniugato Religionem ingredi etiam sine sui coniugis consensu, dissolvique tunc ipsum matrimonii vinculum, ita ut confitius in saeculo remanens aliud liberè contrahere possit: quoties vero matrimonium est consummatum, asservatur non posse coniugem Religionem profiteri inconsulto, et non consentiente coniuge; neque, quanvis consentiat, matrimonii vinculum dirimi; proindeque debere alium coniugem etiam monasterium ingredi, aut saltem votum emittere continentiae iuxta proprii Episcopi praescriptum, cuius est arbitrii attenta aetate, aliquis adiunctis, an sat provisum eius securitati sit simplici voto continentiae, quin Religionem ingredi adigatur, cap. 4. et 18. b. tit. Verissima sane haec sunt, cum et Sinodus Trident. illos damnaverit, qui asservent, matrimonium ratum, non consummatum; per solemnum Religionis professionem alterius coniugis non dirimi. Coeterum quoties quaeritur ratio huius iuris, non satis apta esse argumenta, quae ab Interpretibus congeruntur, censem Berardus. Ea prae-termito, cum notissima sint, et apud quemcunque Commentatorem videre quis possit, meminisse tantum contentus verba, quae tribuuntur Alexandro III. in capitibus 2. et 7. b. tit. quorum in primo asservatur alterum coniugem, etiam altero repugnante, ad Religionem transire posse dummodo carnalis commixtio non intervenierit inter eos, quia cum non fuisse

sene

TITULUS XXXII.

107

sent una caro simul effecti, satis potest unus ad Deum transire, et alter in saeculo remanere: in secundo vero postquam eadem sententia firmatur, haec verba leguntur: *Sanè quod Dominus in Evangelio dicit, non licere viro, nisi ob causam fornicationis, uxori suam dimittere, intelligendum est secundum interpretationem sacri eloquii de his, quorum matrimonium carnali copula est consummatum, sine qua consumari non potest.*

Sententiam Berardi, momentaque rationum, quibus ea munitur, breviter exponam, ut lector iudicet an non firmiora, solidioraque illa sint, quam quae vulgo faciliuntur, quaeque placere mihi nunquam potuisse fateor.

Matrimonium semel legitimo modo contractum, sive ratum tantum sit, sive consummatum, omnimodum sui naturā indissolubilitatem continere, dubitari à nemine posse videtur, postquam definitum fuit, et receptum constantissime, matrimonium ratum anterior praeferriri debere posteriori consummato: ex praedicta autem regula fluit, utrumque coniugium, hoc est, tam ratum, quam consummatum, morte solū alterutrius coniugis dissolvi, si loquarur de potestate Ecclesiae, quae, licet amplissima, tanta tamen non est, ut matrimoniale vinculum dissolvere queat iuxta illud ab Adamo spiritu profetico prolatum: *Quod Deus coniunxit, homo non separet.* Coeterum quando infinitam Dei potestatem consulimus, cui nihil indissoluble, nihil reservatum; ultrò omnes annuimus, quodlibet coniugium, tam consummatum, quam ratum, dissolvi per eam posse. Nam vero, leges à coniugibus servandae eo modo dispositae sunt, et ordinatae, ut officia in coniugem praestanda, praeferrenda sint officiis quae parentibus debentur, iuxta illud: *Propter banc relinquunt homini patrem, et matrem, et adhaerent uxori suae:* verum officia Deo debita primum semper obtinent locum secundum

O 2

Evan-

Evangelicum praeceptum. Si ergo coniux post contractum matrimonium agnoscat in se Dei spiritum, obediens ipsi tenetur, et ad Religionem relicta uxore transire, sive tantum ratum fuerit matrimonium, siue etiam consummatum; dissolveturque tunc matrimonii vinculum, non homine, sed Deo solvente. Hoc nihilominus diffidetur vulgus Interpretum ex eo, quod videat coniugium ratum dissolvi quoad vinculum per ingressum in Religionem, non aequè consummatum, sicque existimat primi vinculum dissolubile esse, non ita secundi, et verba illa: *Quod Deus coniunxit, homo non separat*, intelligit tantum de matrimonio consummatu; quod tamen nullatenus ostendi valet, neque satis adpositè asseri videtur, si attentè scrutemur primam matrimonii institutionem, eiusdemque uti oportet contracti primarium finem, atque effectus, praecipue præ oculis habentes, copulam carnalem non esse de essentia matrimonii, illudque ante consummationem non minus perfectum esse, quam post consummationem. Berardus censem, quod coniugii rati vinculum dissolvatur per Religionem, non etiam consummati, non provenire ex eo, quod primum dissolubile sit, non etiam secundum; sed ex eo, quod facilius praesumatur divina voluntas in rato, quam in consummato: quod percipetur ex sequentibus. Ne coniuges facilè seducantur, aut seducere velint, iudicat Ecclesia de spiritu Dei in ipsis, si eo ad Religionem se vocari dicant; Ecclesia autem agnoscere Dei voluntatem debet humano modo, cum revelationes, aut miracula expectanda non sint: itaque, si coniux ante consummatum matrimonium se spiritu Dei ad Religionem duci dicat, Ecclesia facilè credit, cum regulariter nullæ eo tempore adsint causæ, quæ cogant coniugem matrimonii poenitè; non taedium uxoris, cuius amplexus ardentissimè expetere tunc solent homines, neque onus liberorum, cum nullum adhuc habeat; unde gene-

*Nota.**ra-*

raliter permitit Ecclesia huiusmodi matrimonii vinculum dissolvi; at verò dissolvitur tunc non Ecclesie, sed Dei potestate, cuius voluntatem Ecclesia declarat. Consummata matrimonio, licet aequè dissolvi debérat coniugium, si Dei voluntas appareret, merito non credit Ecclesia coniugi eam alleganti, cum plurima iam sint, quæ coniugem suspectum reddant: si tamen aliquando extraordinaria divina voluntatis signa adessent, declararet haud dubiè Ecclesia in eo casu matrimonii, quanvis consummati, dissolutionem, cum hacc divina voluntas supereret omnem legem, et nemo ei resistere valeat.

In praedicto capite 7. b. tit. consultus Alexander III. de muliere, que viro copulari renuebat, asserebatque se Religionem profiteri velle, duorum mensium illi tempus praefuit, ut ad Religionem transeat, aut ad virum suum redeat: unde generaliter assurrit praedictum spatum coniugibus tributum esse, ut deliberent matrimonii consummationem, aut transitum ad Religionem.

Coetera tituli capita sigillatim percurrere necessum non est, cum omnia eò tendant, ut probetur quod supra innuimus, nempe post consummatum matrimonium alterum coniugem in Religionem transire non posse absque alterius consensu, et quin simul et ipse ad Religionem transeat, nisi morum probitas, sensilis actas, aliaque adjuncta suadeant sufficere quod emisso simplici voto continentiae in saeculo maneat, quod in prudenti arbitrio Episcopi positum est.

Animadvertisendum est matrimonium tantum ratum praedicta formâ dissolvi, non per transitum, aut ingressum in Religionem, sed per professionem solemnem, quanvis promiscuè de ingressu in Religionem, aut professione sermo fiat. Deinde sciendum voto solemni, aut solemnizato per susceptionem sacri ordinis eandem vim quoad hoc non esse, licet

*Nota).**ea-*

110 EXPLANATIO JUR. DECRETAL.

eadem videatur ratio, nam S. Pontifex Ioannes XXII. in *Extravag. un. de Voto, et voti redēptione* expressè declaravit, antiquæ concertationi finem imponens, illud invalidum esse censemū ad dissolvendum matrimonium prius contractum, etiam si per carnis copulam non fuerit consummatum; ex eo ait Sum. Pontifex, quod nec iure divino, nec per sacros canones reperimus hoc statutum.

Non minimam lucem haec accipient ex his, quae exponentur titulo sequenti.

TITULUS XXXIII.

De Conversione Infidelium.

Continetur in hoc Titulo alia causa dissolvendi coniugii fundata etiam in divina voluntate, de qua egimus in superiori. Expressam eam habemus apud Apostolum: ait enim in Ep. 1. ad Cor. cap. 7. *Si quis frater habet uxorem infidelem, et haec consentit habitatione cum illo, non dimittat illam; et si qua mulier infidelis habet virum infidelem, et hic consentit habitatione cum illa, non dimittat virum;* sanctificatus est enim vir infidelis per mulierem fidem, et sanctificata est mulier infidelis per virum fidem: quod si infidelis discedit, discedat, non enim servituti subjectus est frater, aut soror in huiusmodi.

Hinc patet, quod ex doctrina Apostoli si infidelis coniugus ad fidem convertatur, ex eo pendeat dissolutio coniugii, quod aliis coniux velit etiam ad fidem converti, aut salem cohabitare sine contumelia Creatoris; nam in his casibus subsistet coniugium; sin vero neutrum efficeret velit, dissolvetur eius vinculum, etiam si fuerit consummatum, ex divina nempe voluntate. Si infidelis non deliberet, tribuitur vulgo praefigendum ipsi esse tempus à Iudice,

N^o.

110

TITULUS XXXIII.

quod si valde remotis degat, obtinuit, quod conversus impetrata S. Pontificis dispensatione ad aliud matrimonium, Religionem, aut sacros Ordines transire possit.

Notandum hic est matrimonium in hoc casu ex veriori sententia tunc dissolvi, cum conversus secundas nuptias contraxit, aut emissit solemne vo-11 tum continetiae; quapropter si, antequam quid hominum faciat, alius coniux convertatur, consolidari debet matrimonium, utpote non dissolutum, ut monuit Benedictus XIV. quanvis infidelis contrarium fuisset antea protestatus. Deinde dicendum est haec omnia ita procedere, si matrimonium fuerit contractum in infidelitate nullo adstante impedimento, aut eo tantum quod inductum sit iure Ecclesiastico; si enim contrarerunt adversus ius divinum, aut naturale, nullum fuit inter eos matrimonium.

Haec doctrina ad eum extendenda non est, cuius coniux in haeresim incident, et in ea permaneat, aut coniugem in crimina inducat; tunc enim consulti quidem Ecclesia separatione quoad torum, et habitationem, matrimonium autem durat; vel quia Apostolus tantum de infidelitate locutus est, vel quia non adest in tali coniuge idem periculum conversionis, quod in infidelis converso, cuius fides tenera adhuc est.

Quaeritur in cap. 2. cuinam relinquendi sint liberi talium infidelium: et, cum ibi de infantibus ageretur, respondit Pontifex tribuendos esse conversos in favorem Religionis; si autem egressi infantes sint, censem Berardus relinquendos fore suae libertati, cum nemo debeat invititus ad Religionem adduci: sed forsitan incongrue ego existimo accommodari posse impuberibus omnibus, etiam infantiam egressis, S. Pontificis decisionem, cum infirmum sit eorum iudicium, et magna sit causa, quae pro Religione facit.

TI-

N^o.

TITULUS XXXIV.

De Voto, et voti redempzione.

Ex eo, quod Religiosi vota emittant in Professione, adiungitur recte hic Titulus superioribus. Definitur vulgo votum promissio deliberata Deo facta de meliori bono: quibus verbis comprehenduntur plerique ad eius cognitionem necessaria: namque in primis ex eis satis colligitur quām religiosè vota servanda sint, cum non alii, quam ipsi Deo quis se obligaverit: deinde apparet non omne propositum, seu conceptionem boni explicandi votum appellari, ut dicitur cap. 3. b. tit. sed promissionem seriam, et deliberatam; cuius cum incapaces sint in aetate tenera constituti, ideo voto non obstringuntur, aut saltem faciliè cum eis dispensabitur. Illi quoque omnes, qui alieno arbitrio subjecti sunt, non possunt vovere ea, quae exequi nequeunt absque eorum in commodo, quibus parere tenentur, sine horum consensu; tales sunt Religiosi, filii in potestate parentum, maritus, et utor: nihilominus, si deliberatè, et liberè promisserint, recte sibi consulentes adeundo legitimū Superiore, cuius officium erit votum in aliam rem, quae impleri ab eis valeat absque horum, quibus subjecti sunt, praeiudicio, commutare. Neque turbare quemquam debet caput 9. b. tit. §. 4. ubi assurit viros praeter assensum uxorum suarum emittere posse liberè votum ultramarinum, liberèque illud adimplere, licet commonendae attentius sint uxores, ut consentiant: id enim, sicut et alia singularia plurima, statutum fuit in Cruciatæ, seu expeditionis in terram sanctam, gratiam, cui omnia cedere debere credebat; quod satis innuit Innocentius III. dum ait se id statuere in tanta necessitate Populi Christiani, ne terræ sanctæ impeditur subsidium.

De-

TITULUS XXXIV. 113

Denique ex eo, quod votum esse debet de meliori bono, sequitur, promissionem turpem, vel de objecto alias bona in malum finem relato, aut penitus inanem, et frivolum, nullam inducere obligationem, gravisque criminis reos esse, qui talia Deo polliceri audent: itaque nullum erit votum, si quis voveat rem indiferentem, id est, cam, quae nihil secum emolumenta, aut divini honoris affert; foret enim vanum, imò et nonnunquam superstitionis: idem erit si res necessaria, aut impossibilis voveatur, veluti si quis stupidè se moriturum, aut non moriturum voveret; quia votum, ut ait Dominicus Soto, debet etiam esse à prudentia profectum. Nil hilominus opera praecepti, quatenus in nostra sunt voluntate, materia sunt voti, quia, licet eorum impletio sit necessitatis, non est tamen simpliciter, sicut mori, ideoque praecepta liberè adimplemus. Eleganter Innocentius III. in cap. 7. ait, attendendum esse in omni voto quid licet secundum aequitatem, quid deceat secundum honestatem, et quid expediat secundum utilitatem. Haec facilè quisque videt pendere ex adjunctis; quae, cum alia, atque alia esse possint pro varietate temporum, locus fit commutationi, prorogationi, aut redemptioni, vel dispensationi. Verum ad haec omnia intervenire debet auctoritas legitima, de qua plurimae sunt quaestiones, et quamplices quoque observandæ sunt distinctiones. Et quidem in primis receptum est, videntes ipsos commutare posse quaelibet vota in evidenter melius, praesertim in eodem genere, veluti si votum castitatis temporale commutent in perpetuum; tunc enim cumulatius solvunt. Ob hanc rationem dicitur, vota in saeculo emissæ extinguiri per religiosam professionem, sive perpetua illa sint, sive temporalia, quanvis in cap. 4. b. tit. sermo sit de obsequio temporali, proindeque solùm videatur intelligendum de votis temporalibus, non de perpetuis;

Tom. II.

P

nam

114 EXPLANATIO IUR. DECRETAL.

nam et perpetua per professionem religiosam extingui, communis sententia est, quanvis profiens de huiusmodi votorum extinctione non cogitaverit. Excipiuntur vota, de quibus profiens ita cogitaverit, ut eorum obligationem perdurare intenderit: item in favorem tertii elicita, ab eoque acceptata, cum transierint in contractum, et naturalem pepererint obligationem: tandem iurata, in quibus praeter vinculum promissionis adest aliud proveniens ex reverentia Deo debita sub diversa ratione. Aliud sane suadere videtur *caput* 10, namque innuitur in eo, virum, qui votum emiserat suscipiendo habitum religiosum, eoque non impleto, vocatus fuerat ad regimen Ecclesiae cuiusdam, reddere Altissimum debere votum, si suam sanare velit conscientiam; verum autem aliunde est statum Episcopalem perfectiorem esse Religioso. Censem Berardus minimè ex hoc capite colligi, quod votum commutari nequeat in evidenter melius propria auctoritate, cum proposita ibi fuerit ab Innocentio III. electio nulla, nempe criminosi ob voti iteratum transgressionem: quae interpretatio, cum verbis capituli plurimum conveniat, magis placebit cuicunque attente considerant, quam illæ, quae ab alii afferuntur.

* Deinde irritare potest maritus vota uxoris omnia, nullo excepto iuxta Dominicum Soto *de Iustitia, et Iure*, lib. 7. quæst. 3. dispensare autem neutriquam posset, cum hoc proprium sit Praelati spiritualis. Praelati Regulares, parentes, tutores, atque domini, cùdem funguntur potestate in votis à Monachis, filiis, pupillis, aut servis emissis.

* Quoad commutationem, et dispensationes regula generalis est, Episcopis hanc facultatem inesse in votis subditorum, illis tantum exceptis, quae Sedi Apostolicae reservata sunt; in quo numero recententur votum Religionis; perpetuae continentiae non 2. conditionatum; peregrinationis ad Hierosolimam, 3. Apostolorum Limina, et Compostelam; sive expre-

sè

TITULUS XXXIV.

115

sè haec sibi S. Pontifices reservaverint, sive usu tantum id invaluerit.

Coeterum longè distat commutatio à dispensatione; per hanc enim relaxatur obligatio, cum per illam solùm transferatur in aliam rem. Praelati accurate inspicere solent, utrum dispensare, an tantum commutare debeat; verè enim non rectos facultatis sibi concessae dispensatores sese exhiberent, si, cum commutando sati consuli possit causae obstanti ex parte materiae voti, personae voventis, vel rationis boni communis, dispensationem indulgerent.

Circa materiam voti, causam ad dispensationem, aut commutationem requisitam, item quoad vota, quae emittuntur in professione religiosa, plurima passim ocurrunt dubia, quae nec leviter attingi possunt absque longa tractatione: regulas ergo illas generales innuisse sufficiat, quibus nonnulla adiungenda erunt in *titulo* seg.

In *capitulo* 8. 9. et 11. b. tit. singularia quædam conscipiuntur, quae inducta fuere occasione expeditionis in terram sanctam, sive Cruciatæ à Christianis initæ post Concilium Claromontanum anni 1095. sub Urbano II.

TITULUS XXXV.

De Statu Monachorum, et Canonicorum Regularium.

Continentur in hoc Titulo coetera, quae spectant Monachorum vitam, votorumque, quae emisserunt, observantiam.

Haec regulariter tria sunt, paupertatis, scilicet, obedientiae, et castitatis, quam etiam expressè vident à tempore S. Francisci Assisi. In voto paupertatis continetur in primis abdicationis omnis proprietas, quae essentialis est professioni religiosae; cum

P 2

in

in ea voveatur observantia consiliorum Evangelicorum, in quibus expressè illud invenitur: *Si vis esse perfectus, vende omnia, quae habes, et da pauperibus.* Profiscitur id etiam ex ipsa rerum natura, nam, ut bellè Soto, religionis monasticae institutio est, illam amplecti disciplinam, per quam ad perfectionem charitatis expeditius ascendatur; primum autem, quod hominum animos fascinatos ad sui amorem inescat, est rerum possessio; nam, cum pecuniae obediunt omnia, qui illam amat, per eam cuncta concupiscit, et qui illam abicit, omnium quodammodo mundanorum affectus ab se facilè amputat. Sic in Concilio Augustodonensi dicitur: *Primus titulus hic est Monasticae disciplinae, ut Abbes, vel Monachi peculia non habeant.* In Concilio Lateranensi sub Alexandro III. anni 1179 in canone 10. ex quo desumptum fui caput 2. b. tit. haec habentur: *Monaci non pretio recipiantur in Monasterio, non peculum permittantur habere: qui verò peculium habuerit, nisi ab Abbe fuerit ei pro iniuncta administratione permisum, à communione removetur Altaris; et qui in extremis cum peculio inventus fuerit, et digne non poniterit, nec oblatio pro eo fiat, nec inter Fratres accipiat sepulturam: quod etiam de universis Religiosis praecipimus observari.* Innocentius III. in cap. 6. eod. praedictae Lateran. sanctioni innitens, ita sese explicat: *Firmiter inhibuimus, ne quis Monachorum lineis canisis uteatur: Prohibemus quoque districtè in virtute obedientiae sub obtestatione divini iudicij, ne quis Monachorum proprium aliquo modo possideat; sed si quis aliquid habeat proprii, totum in continentia resignet.* Si verò post hoc proprietatem aliquam deprehensus fuerit habere, regulari monitione prævia, de Monasterio expellatur, nec recipiatur ulterius, nisi poeniteat secundum Monasticam disciplinam. Quod si proprietas apud quemquam inventa fuerit in morte, ipsa cum eo in signum per-

perditionis extra Monasterium in sterquilino subterretur, secundum quod beatus Gregorius narrat in dialogo se fecisse (1). Unde si quidquam alicui specialiter fuerit destinatum, non praesumat illud accepere, sed Abbat, Prior, vel Cancellario assignetur: Nec aestimet Abbas, quod super habenda proprietate possit cum aliquo Monacho dispensare; quia abdicatione proprietatis, sicut et custodia castitatis, adeò est annexa regulae monachali, ut contra eam nec S. Pontificis possit licentiam indulgere. Et quidem relata Concili Lateran. sanctio indulgebatur Monachis peculium, dummodo pro iniuncta administratione fuisse ei ab Abbatе permisum: verùm aliud placuit Sinodo Tridentinae in sess. 25. de Regularibus cap. 2. ubi haec leguntur: *Nemini igitur Regularium, tam virorum, quam mulierum, liceat bona mobilia, vel immobilia, cuinuscunque qualitatis fuerint, etiam quovis modo ab eis adquisita, tanquam propria, aut etiam nomine Conventus possidere, vel tenere, sed statim ea Superiori tradantur, Conventuque incorporentur.* Nec deinceps liceat Superioribus,

*Ma**Guardiu scili
at Monachus.
perseverat.*

(1) Cabasutus in *Notitia Ecclesiastica saeculi XII.* in canon. 10. Concilii Lateran. III. haec habet. Eodem pertinet Concilii Londonensis can. 2. necnon relatio S. Gregorii Papae lib. 4. Dialog. cap. 55. de Monacho, cui Iusto nomen erat, qui laborans extrema aegritudine, deprehensus fuit occuluisse sibi tres aureos, quem ipse Gregorius à Fratribus Monachis visitari usque ad mortem prohibuit: defunctum verò in sterquilino sepeliri unā cum tribus aureis fecit, unoquoque Fratrum, dum terrā profanā cadaver operiebatur, dicente illi: *Pecunia tua recum sit in præditionem.* Quia verò gravem in extremis de sno delicto in illa Fratrum derelictione conceperat animi dolorem, solo ei adstante carnali fratre artis Medicæ professore, post sexaginta ab obitu dies eidem fratri apprens denunciavit se gravibus poenis liberatum occasione triginta Missarum, quas Gregorius ipse Praepositus Monasterii, clam, et coeteris insciis, pro eiusdem refrigerio iusserrat offerre.

*N*on bona stabilia alicui Regulari concedere, etiam ad usumfructum, vel usum, administrationem, aut commendam. Administratio autem bonorum Monasteriorum, seu Conventuum ad solos officiales eorumdem, ad nutum Superiorum amovibiles, pertineat. Mobilium vero usum ita Superiores permittant, ut eorum supplex statui paupertatis, quam professi sunt, conveniat; nihilque superfici in ea sit, nihil etiam, quod sit necessarium, eis denegetur. Quod si quis alter quidquam babere deprehensus, aut convictus fuerit, est biennio activa, et passiva voce privatus sit, atque etiam iuxta suae regulas, et Ordinis Constitutiones puniatur. Deinde Clemens VIII. in Constit. Nullus 25. Junii anni 1599. quid hic in re à Regularibus sit observandum, clare admodum, atque distinctè, expressit, cuius ideo verba transcribere non pigebit: *Quod Tridentini Concilii decreta (ait in §. 2.) de paupertatis voto custodiendo fidelius observentur, praeципitur, ut nullus ex Fratribus, etiam si Superior sit, bona immobilia, vel mobilia, aut pecuniam, proventus, census, eleemosinas, sive ex concionibus, sive ex lectiōnibus, aut pro Missis, tam in propria Ecclesia, quam ubique celebrandis, aliōe ipsorum iusto labore, et causa, et quocunque nomine adquisita, etiam si subsidia consanguineorum, ac pitorum largitiones, legata, aut donationes fuerint, tanquam propria, aut etiam nomina Conventus possidere possit; sed ea omnia stain Superiori tradantur, Conventūque incorporentur, atque cum coeteris illis bonis, redditibus, pecunias, ac proventibus confundantur, quod communis inde victus, et vestitus omnibus suppeditari possit. Negre Superioribus, quicunque illi sint, ullo pacto licet eidem Fratribus, aut eorum alicui bona stabilia, etiam ad usumfructum, vel usum, administrationem, aut commendam, etiam depositi, aut custodiae nomine concedere. Nulla quocunque Superiorum dispensatio, nulla licentia, quantum ad bona immobilia, vel mobiliā*

lia, Fratres excusare possit, quo minus culpae, et poena ad eiusdem Concilii decretis impositae, et ipso facto incurrandae, obnoxii sint; etiamsi Superiores asservent huiusmodi dispensationes, aut licentias concedere posse; quibus in ea re fidem minime adhiberi volumus. Nullus ex Superioribus locorum administrationem bonorum, et aliarum rerum, dispensationemque pecuniarum, et reddituum sui Conventus, etiam nomine Conventus, per se ipsum habere, sive exercere possit, sed universus id onus tribus Fratribus ciudem Conventus à Generali ita demandetur, ut unus rerum, et bonorum, redditumque colligendorum, ac exigendorum curam habeat; alter tanquam depositarius pecunias, et coetera ab illo collecta, et exacta fideliter asservet; alius de pecuniis, et rebus à Depositario acceptis Priori, et Fratribus, ac Conventui universo de necessariis, mandante tamen ipso Priori, non secundum proprium affectum, sed iuxta chartas regulam, veluti bonus dispensator, provideat, officiorum huiusmodi confusione peritus interdicta.

Innovata posterius fuit haec Constitutio à Sum. Pontificibus Paulo V. Gregorio XV. et Urbano VIII. Pluries quoque Congregatio sac. Concilii iuxta eandem resolut: in interrogata, an, a Superiori, quantumvis requisito, necessaria suis Regularibus negante, licet ipsi clam, vel invito eo, illa sibi comparare, seu retinere, respondit, non licere; uti refert Giraldi ad hunc titul. ex Quaranta in Summa Bullarum, verbo casus reservati.

Hic serio monitos velim (ait Giraldi, et ipse Regularis) quoscunque paupertatis voto, tam simplici, quam solemni, et hoc potissimum obstricis, ne cum periculo damnationis aeternae se allucinentur, putantes, sibi licitum esse citra sacrilegam dicti voti fractionem, pecuniam, cuius usum habeant, cuicunque ludo exponere. Nec existimant se tutos in foro conscientiae, si id faciant cum licentia suorum

rum Superiorum, si forte hodie, et cum hac faciant; quandoquidem omnia iura clamant, his omnino interdictum esse concedere propriis subditis facultatem quidquam erogandi in usus profanos, et contra ipsorum statum, sed in necessarios duntaxat, licitos, et honestos.

Quoad Monasteria ipsa attinet, adhibenda distinctione est, cum nonnullis Religionibus bona immobilia in communi habere permittatur, aliis vero etiam hoc vetitum sit. Sinodus Trident. in *praedict. sess. 25. de Regularibus cap. 3.* concessit omnibus Monasteriis, et Domibus, tan virorum, quam mulierum, et Mendicantium, exceptis Domibus Fratrum S. Francisci, Capuccinorum, et eorum, qui Minorum de Observantia vocantur, etiam quibus, aut ex constitutionibus suis erat prohibitus, aut ex privilegio Apostolico non erat concessum, ut deinceps bona immobilia possidere eis liceat. Quanvis enim genere suo mendicis omnimoda preferenda sit, potest nihilominus ratione finis, aliarumque circumstantiarum, pro tempore, et loco codicentius esse, ea in communi possidere, quae Monachorum victui sunt necessaria, ut egregie ostendit Domin. Soto, Ordinis Praedicatorum praeclarum decus, *de Lustitia, et Iure lib. 7. quaest. 5. art. 2.* ubi simul affecti mendicitatis incommoda plura; quoniam (ait) illa Monachorum divagatio, quae ad victum quaerendum necessaria est, otium non secum permittit, quod opere pretium est ad spiritualia munia in illis Ordinibus, qui instituti sunt ad contemplationis opera, et predicationem. Deinde, diversam temporum indolem considerans, postquam charitas refixit (inquit) mendicantes molesti sunt Populo, et onerosi; qua ratione vilescere Religio in eius oculis incipit: praeterea nimia egestas cogere mendicos assolet aliqua negotia cum saecularibus tractare, et aliquibus quandoque improbatibus victimum extorquere, quae

mut

eo-

eorum Instituta obscurant. Addit quod, quando Religiones in illa sincera mendicitate institutae fuere, multa suffragarentur, que ab aliquibus iam temporibus languere videmus; summa nempe victimus parcas, et vestitus vilitas; tum etiam maior vitae ipsius monasticae splendor.

Haec, aliaque, quae omitttere duxi, attentè consideranti persuasum erit, Religionum splendorem auctum in dies iri magis, magisque, si cuilibet cuiuscunq[ue] Instituti Monacho necessaria ad victimum, vestitum, aliaque, quae eius statum decent, præberentur absque ulla necessitate stipendiis concionum, et Missarum, atque amicorum largitionibus inhiandi; quod facilimè fieri valeret absque ullo, aut Monachorum ipsorum, vel Religiosi status, aut Populi gravamine: immo utrisque non modico contingente levamine, et commodo.

Votum castitatis, quod secundum est, non adeò longam exigit explanationem. Constans apud omnes est, castitatem ita esse annexam religioni, ut nulla humana dispensatione separari queat.

Quod nuper diximus de Innocentio III. in *cap. 6. b. tit.* eò nos recta ducere videbatur, ut inquireremus, an S. Pontifex dispensare queat in castitate cum religioso; coeterum à quaestione abstinentie satius dicimus, receptam sententiam exponere contenti, iuxta quam traditur, Papam non posse dispensare in substantia aliquius voti religiosi in sensu composito; hoc est, ut quis maneat Religiosus, et habeat proprium, vel uxorem ducat; quod innueri videntur verba Innocentii III. praedicto loco; posse tamen id efficiere in sensu diviso; hoc est, posse tollere totum vinculum professionis Religiosae, et hominem religiosum saecularizare.

Status Religiosus non minus requirit obedientiam, uti adversus Lutherum solidissimè probarunt omnes Catholicici.

Tom. II.

Q Te-

Tenentur praeterea Regulares in coeteris omnibus vitam suam componere ad Regulæ, quam professi sunt, præscriptum, tam quoad vitam communem, et clausuram, quam in victu, et vestitu; in quibus omnibus invigilare debent Superiores: si vero et isti fuerint negligentes, incumbere in id iubentur Episcopi, etiam tanquam Sedis Apostolicae Delegati.

Plura saluberrima Decreta edita in hanc rem fuerunt in Concilio Trident. sess. 25. de Regularibus; quibus accesserunt deinde quæplurimae Constitutiones, et Declarationes, quas recensere nimis foret longum: alia autem quisquis capita in hoc titulo in 6. et in Clementinis inserta contulerit cum Tridentinis sanctionibus facilimè deprehendet singulare ius à sancta Sinodo inductum. Multas etiam utilissimas leges in dies à Religiosissimo Rege nostro hac de re edì, vident lacti boni omnes; è quibus illæ numquam satis commendari poterunt, quae intercludunt Monachis variis vagandi prætextis, cum certum sit parum profuturas sanctissimas Religiosae vitae leges, quandiu facilis pateat Monachis occasio divagandi. Deinde consulißimae quoque sunt leges, quae statuunt, ne plures in unoquoque Monasterio admittantur, quam qui ex redditibus Monasterii, vel ex consuetis eleemosinis commode valeant sustentari; quod statutum fuit in Concilio Tridentino, et renovatum quoad haec Regna in saepè citata Bulla Apostolici Ministerii.

Frequentissima illa quaestio est, an Monachus ad Episcopatum promotus, subjectus nihilominus maneat observantiae votorum, aliarumque regulae, quam professus fuit, præceptionum. Et quidem communis sententia cum D. Thoma distinguit in religioso tria operum genera, sive observantiarum: aliae sunt, quae non solum non obsistunt functionibus Pontificalibus, sed adiutorio esse possunt; tales sunt pau-

paupertas, castitas, et obedientia, quam non relinquit Monachus Episcopus, dum à Superiorum Regularium obedientia liberatur, sed mutat: ad has autem tenetur Episcopali dignitate insignitus Monachus. Aliae sunt, quae repugnant, ut solitudo, silentium, à quibus proinde eximitur. Aliae denique medii generis existimantur, quae scilicet non semper, sed aliquando obstant, veluti ieunia, et vigiliae moderatae, quae non adeo corpus debilitant, lanis indui, in eis dormire, et alia huiuscmodi: in his autem dispensatione nonnunquam propria auctoritate talem Episcopum uti posse asseritur. Coeterum non leves occurrunt difficultates in discernendo quenam res ad alterum ex his oneribus referri debeant. Sed et in regulis ipsis, quas cum D. Thoma, et Soto, proposuimus, nonnullæ occurruunt dubietates: unde ambigi nequit Monachos, dum Episcopi sunt plurimi sese objicere anxietatibus. Sanè silentio prætermittendis non sunt praedicti Auctoris verba: debent autem (ait) Religiosi, ut in adeundis Episcopatibus multò esse cunctantiores, quam saeculares, ita in administrandis longissimè vigilantiores: qui enim sese in Claustra, mundo valè dicentes, abdiderunt, non debent sicuti uxor Loth retro, hoc est, ad saeculares splendores respicere: nam præter Dei offendit, saeculari populo scandalo sunt, ac subinde vilipendio, et ludibrio, nisi palam constet tum renitentes vi fuisse à suis Claustris extractos, tum Ecclesiis cum omni timore Dei famulari, aliquis abstinerere pompis, quae non fuerint ad ornamenti suae dignitatis necessariae.

TITULUS XXXVI.

*De Religiosis Domibus, ut Episcopo sint
subjectae.*

Si totius Dioecesis sollicitudo, et cura Episcopo iure ordinario competit, potiori sanè ratione incumbere ipsi debet regimen domum omnium, quae Religioni, et pietati specialiter dicatae sunt. Latissimè autem patet haec denominatio; ita ut in ea primò includantur Ecclesiae omnes in Dioecesi sitae, ni docent privilegium singulare, vi cuius exemptae sint ab ordinaria iurisdictione. Idem dicendum est de Monasteriis universis, et Monachis, sive illa priora tempora consideremus, in quibus initierit non con-sueverunt sacris Ordinibus (1), sive posteriora.

Vèrè deinde plura obtinuerunt privilegia, ut sese eximerent à iurisdictione Episcoporum: quod et nunc obtinet, quanvis coercitum, et limitatum à Sinodo Tridentina.

Nomine citam Religiosarum Domuum veniunt privata Oratoria. Idem est de Hospitalibus, in quibus plures agnoscuntur species pro diverso cuiusque instituto; distinguunturque nominibus graecis, qualia sunt Xenodochia, Orphanotropha, et alia huiusmodi. Ex his alia sunt laica, alia ecclesiastica, alia mixta, regunturque singularibus fundationis legibus, aut receptis, eisque non improbandis consuetudinibus. In his omnibus præ oculis habenda est sanctio Concilii Trident. in sess. 22. de Reform. cap. 8. et 9. ubi distinctio fit inter Hospitalia, seu Collegia, aut alia

(1) Antiquitus Monachos, ne quidem Abbates ipsos, aut aliis nominibus nuncupatis Superioribus, ordinibus fuisse insignitos, manifesta eatenus omnibus res est, ut nulla indegit probationale.

TITULUS XXXVI. 125

alla pia loca, quea sub immediata Regum protectione constituta sunt, et coetera, quoad visitationem, atque rationum redditionem.

In cap. 2. b. tit. continetur constitutio Concilii Lateran. anni 1215. sub Innocentio III. ne quis de coetero novam Religionem inveniret; quae prohibitiō confirmata fuit in Lugdunensi anni 1274 sub Gregorio X. cap. un. b. tit. in 6.

TITULUS XXXVII.

De Capellis Monachorum, et aliorum Religiosorum.

Sermo in hoc Titulo est de illis Monachorum, aut aliorum Religiosorum Capellis, quae Populum habent. Urbanus III. in cap. 1. voluit, ut à Clericis saecularibus ab Episcopo institutis regerentur, non à Monachis, reflecta iis tantum praesentatione. Sed aliud generaliter obtinuit, ut evincitur satis ex Sinodo Trident. sess. 25. de Regularibus cap. 11. in quo statuitur, ut in Monasteriis tan virorum, quam mulierum, quibus imminent animarum cura personarum saecularium, praeter eas, quea sunt de illorum Monasteriorum, seu Locorum familia, personae, tam regulares, quam saeculares, huiusmodi curam exercentes subsint immediate in his, quae ad dictam curam, et Sacramentorum administrationem pertinent, iurisdictioni, visitationi, et correctioni Episcopi, in cuius Dioecesi sunt. Deinde cum nonnulli eam praedictae sanctioni adhiberent interpretationem, ut Parochos solum in ea comprehendi assererent, non verò alios Sacerdotes ab Episcopali iurisdictione exemptos, si aliqua eos administrare Sacramenta contingeret, uti ait Giraldi; accessit Constitutio Gregorii XIII. quae incipit: *Inscrutabili, anni 1622.* in qua haec habentur: *Ut deinceps tam Re-*

126 EXPLANATIO IUR. DECRETAL.

Regulares, quād Saeulares, quomodolibet exempti, sive animarum curam personarum saecularium, Monasteriis, seu Domibus regularibus, aut quibusvis aliis Ecclesiis, vel beneficis, sive regularibus, sive saecularibus incumbente exerceant, sive alia ecclesiastica Sacraenta, aut unum ex illis ministrant, prævia Episcopi licentia, et approbatione, sive quo quo modo in dictæ curæ exercitio, aut in eorundem Sacramentorum, vel alicuius ex illis administratione de facto absque auctoritate se ingerant; in his, quæ biusmodi curam, seu administrationem concerunt, **N**on omnino iurisdictionem, visitationi, et correctioni dioecesani Episcopi, tanquam Sedis Apostolicæ Delegati, plenè in omnibus subjiciantur.

In cap. 3. et 4. definitur huiusmodi Capellarum, aut Prioratum occasione Monachos singulos commorari non debere; iniungiturque Abbatibus, aut Prioribus, ut, aut ipsos ad Claustra revocent, aut Socios eisdem adiungant, ad quod compellendi sunt ab Episcopis per censuras ecclasticas, monitione praemissa.

Emanarunt apud nos plura Regia decreta ad mentem Canonum, ne Monachi extra Claustra degant, quamlibet aliam praetexentes causam; ea nihilominus satis adhuc prævalet, quæ desumitur ex Dominibus, quas habent Monasteria in agris causa colligendi, servandique fructus possessionum suarum.

TITULUS XXXVIII.

De Iure Patronatus.

Fundatoribus Ecclesiarum à primis ipsis temporibus concessa fuere iura quaedam singularia, quæ comprehenduntur hodie sub nomine Patronatus. Vérum varia fuit hac in re disciplina pro temporum diversitate; et hinc fluit, quod diversum apparet

Pa-

TITULUS XXXVIII. 127

Patronatus ius in nonnullis antiquis monumentis, quæ extant apud Gratianum, ab eo, quod inventur in Decretalibus Gregorii IX. atque posterioribus Collectionibus: unde non minima generatur confusio, nemus Tyronibus, sed et nonnullis, qui Patronorum iura se optimè callere arbitrantur; proinde summatim primum exponam, quid Patronis Ecclesia concesserit prioribus saeculis; deinde autem, quibusnam gradibus, atque temporum adiunctis iura eorum creverint, atque ad hodiernum statum pervenerint: seu, quod idem est, ius Patronatus antiquum distinguam a posteriori, tradens simul originem singulorum iurium.

Vix in antiquis monumentis inventur nomen ipsum Patronatus; nam veteres processionis, foundationis, aliisque huiusmodi vocibus simpliciter utebantur: verum privilegia nonnulla Fundatoribus, etiam Laicis, concessa apparent ab ipsa prima Basilicarum, Ecclesiarum, Oratoriis, Monasteriorum, Xenodochiorumque erectione: sciebat enim Ecclesia munificentiam plurimorum in Rempublicam hac ratione excitari, ut aiebat Xenophon. Iam vero illae concessiones, aut privilegia in eo tantum initio constituerunt, ut Basilicas, aut Ecclesiae erectae ab earum Fundatoribus denominarentur, translato nempe ad eos nomine à Martiribus, quibus dicabantur, et à quibus appellari primum consueverunt; licet id non omnino constans esset, ut appareret ex eo, quod etiam hodie Ecclesiae adsint, praesertim Romæ, in quibus servatum conspicimus nomen vetus domum profanarum, quæ deinceps in Ecclesiis, aut Basilicas conversae fuerunt. Sanè ut plurimum à Fundatoribus nomen desumebant: quod facile esset ostendere plurimis testimonis, tam ex Orientali, quam Occidentali Ecclesia adductis: imo et apud Gentiles in usu fuit Templorum suorum Fundatoribus hoc ius indulgere.

Non-

^{2.} Nonnisi tardius permissa Fundatoribus fuit nominatio , sive praesentatio Clericorum , qui ministerio erectae ab ipsis Ecclesiae forent deputandi : et difficultius adhuc extensa fuit ad eorum haeredes : quod cum satis exhibeat gradatim adacta fuisse Patronorum iura , et consuetudine potius , quam iure scripto , nemo mirabitur , si ex monumentis , quae invenerit , discat quaedam privilegia concessa iam Patronis uno tempore in nonnullis Provinciis , quae in aliis nondum fuerant introducta.

Primum monumentum , in quo mentio fit tributae Fundatoribus praesentationis , est canon 10. Concilii Arausicanii I. anni 441. qui referunt à Gratiano in can. 1. cau. 16. quæst. 5. ementito nomine Nicolai Papæ , ut animadvertis Berardus. Coeterum , ut ex eiusdem lectione appetat , non quibuslibet Fundatoribus concessa in eo fuit praesentatio , sed solùm Episcopis , qui in alieno territorio Ecclesias construxissent : quod accidit aequè in Concilio Arelatensi II. medii saeculi quinti , quanvis certò non constet quo anno , aut sub quo Praesule habitum fuerit. Laicis denegatam legimus hanc praerogativam etiam sub finem saeculi quinti in canonibus nempe 26. et 27. cau. 16. quæst. 7. in quibus respondet Gelasius , nihil proprii iuris habiturum Fundatorem in Basilicis , seu Ecclesiis à se fundatis præter processionis aditum , qui Christianis omnibus in commune debetur ; nimur ius convenienti , et ingrediendi in Ecclesiam , quod Christianis omnibus patet. Longè aliter interpretatur Glossa ius processionis , pro iure scilicet praesentandi , quod ideo ait appellari ius processionis , quod Patronus cum praesentato ad Episcopum procedat : verum quām absurdā haec sint , ut appareat , sufficiet considerare , Gelasium illud ius Patronis tribuere , quod Christianis omnibus debetur ; hoc autem de praesentatione nemo dixerit : deinde apud ipsum Gelasium aliis in locis , et apud alios

alios veteres , ius processionis nihil aliud significat , quam ius , quod diximus , ingrediendi , et conveniendi in Ecclesiam , quod probat eruditus vir Florens ad ductis pluribus monumentis. Nihilominus Glossae sententiam Interpretes amplexati sunt ; unde proflixus eorum error , qui existimarent , aut Gelasium fuisse iuris Patronum Auctorem , aut concessam fuisse Laicis Fundatoribus praesentationem saeculo quinto ; cum constet eo tempore induitam solūm fuisse ex gratia speciali Episcopis , qui in alieno territorio Ecclesias exererant.

Accepta est quaestio , an quinque prioribus saeculis ius Fundatoribus fuerit in bona Ecclesiarum invigilandi , eorumque administrationi sese immiscendi. Et quidem in Oriente ex Constitutionibus Imperatorum invehī haec disciplina coepit , atque traducta fuit etiam ad Ecclesias Occidentales. Apud nos diutius manserunt pristinæ Patrum regulæ , quibus cautum erat , ut plenissima potestas in omnes Ecclesias , Basilicas , Oratoria sacra , denique , religiosa , aut venerabilia loca Episcopis esset , an. 24. et 25. Concilii Antiocheni , 4. et 8. Chalcedon. Tolentan. Concil. III. et IV. saecul. VI. et VII.

Inter iura Patronis debita recensetur quoque , ut sibi , si ad indigentiam venerit , alimenta ab Ecclesia praebantur. Prima hac de re decisio est Concilii Toletani IV. ann. 633. quae extat apud Gratianum in can. 30. cau. 16. q. 7. His verbis constat integra decisio : Praebendum est à Sacerdotibus vitae solitum indigentibus , et maximè bis , quibus restituenda vicissitudo est. Quicunque ergo Fidelium de facultatibus suis Ecclesias aliquid devotione propria contulerint , si forte ipsi , aut filii corum redacti fuerint ad inopiam , ab eadem Ecclesia suffragium vitae pro temporis usu percipient. Si enim Clericis , vel Monachis , seu Peregrinis , aut qualibet necessitatim sustinentibus pro solo Religionis intuitu in

usum res ecclesiasticae largiuntur , quanto magis bis consulendum est , quibus retributione iusta debetur . San- nè probabile est , etiam prioribus saeculis Ecclesiam Patronis indigentibus subvenire consuevisse ; cum enim teneritudine maxima in pauperes universos feratur semper , praesertim illis subvenire debuit , qui sibi fuerant benefici , uti aiunt Patres Toletani : coeterum animadvertisit Van-Espenius ex praedicto canone Toletano Ecclesiam pinguis Patronum alere debere , quām reliquos pauperes , cum ad id non tantum intuitu paupertatis teneatur , sed praecipue intuitu beneficentiae in ipsam à Patrone collatae .

Sed et alia honorifica iura Patronis Ecclesia contulit à primis saeculis ; qualia sunt sepultrures , sedis , thurificationis , candelae , et aquae benedictae ; quae alia , atque alia fuerunt iuxta varios cuiusque Provinciae mores . Verum animadvertisendum est quod de sepultrura , et sede dicimus post ea tempora locum habuisse , quibus cooperunt Fideles intra Ecclesias sepe liri , atque in illis sedēre : ex tunc verò privilegium Patronorum in eo constitut , ut in loco honorabiliorū sedērent , aut sepe liri .

Et haec quidem exhibent iura Patronorum quinque prioribus saeculis , sive ius Patronum antiquum .

Post saeculum quintum augēri cooperunt Patronorum iura ; sive quod , frigescente fidelium charitate , congruum Ecclesiae videretur novis privilegiis eorum liberalitatem excitare , sive quod ea sit legum omnium conditio , ut , si laxari semel habenae incipiant , transcurso solo temporis indulgentia in dies excrescat . Concessa ergo fuit praesentatio Fundatōribus omnibus , etiam Laicis : et quidem moribus potius , ut conjiceret est , et gradatim ; primò nempe in Oratoriis , quae aedificari cooperunt in agris , deinde etiam in aliis Ecclesiis , ut appetet in conspectu Concilii Agath. in can. 21. in quo ita statuitur : *Si quis etiam extra Parochias , in quibus*

le-

legitimus est , Ordinariusque Conventus , Oratorium in agro habere voluerit reliquis festivitatibus , ut ibi Missas teneat propter fatigationem familie iusta ordinatione permittimus . Pascha verò , Natale Domini , Epiphaniam , Ascensionem Domini , Pentecostem , et Natalem S. Ioannis Baptiste , vel si qui maximi dies in festivitatibus habeantur , nonnisi in Civitatisbus , aut Parochiis teneant . Clerici verò si qui in festivitatibus , quas suprà diximus in Oratoriis , nisi iubente , aut permittente Episcopo , Missas facere , aut tenere voluerint , à communione pellantur .

Postquam saeculares privata haec Oratoria in agris habere cooperunt , facile obtinuerunt , ut Episcopi non alios Clericos ad Missam in eis celebrandam deputarent , quām quos saeculares ipsi desiderarent : inducta proinde fuit praesentatio , atque ad reliquas quoque Ecclesias sensim traducta . Imò quando certum est homines non minus de filiorum suorum commodis semper sollicitos fuisse , quām de suis , obtinuerunt etiam Fundatores Ecclesiarum , ut praesentatio ipsis induita cum coeteris iuribus , et honoribus ad filios protraheretur ; et tandem ut et ad haeredes quoscunque ex eo , quod in ipsis persona Fundatoris repraesentetur , et eorum ministerio semper quodammodo maneat , et vivat .

His gradibus deuentum est ad ius Decretalium , ubi latè exprimuntur iura , quae Patronis competunt : coeterum intelligenda ita non sunt , ut existimetur Patronatum non aliter consistere posse , quām si Patronus omnibus illis iuribus fungatur ; cum nunc plura , nunc pauciora habere possit , et contingere etiam hodie valeat , quod subsistat Patronatus sine iure praesentandi ; unde patet , minus accuratam esse definitionem , quae vulgo assignatur iuri Patronatus dum dicitur esse ius praesentandi institendum ad beneficium vacans ; nam et in cap. 25. b. tit. consultus Clemens III. ait eum , qui Ecclesiam cum

R 2 as-

assensu Dioecesani construxit, ius quidem Patronatus adquirere, coeterum in Ecclesia Conventuali non electioni Praefati facienda, sed iam iactae honestius Patroni assensum postulari, nisi aliter de sua iurisdictione obtineat, ut partes suas interponere debat electioni tractandae. Consulendae igitur sunt tabulac cuiusque foundationis, et receptae consuetudines. Verum tamen est extra speciem praedicti capitis, hodie presentationem Fundatoribus competere, etiamsi expressè illam non reservaverint. Imò et ad haeredes transit, sive iure sanguinis defunctorum contingant, sive non. Transit aequè ad haeredem fideicommissarium, et ad successorem singularem, qualis est emperor Villae, cui annexum sit ius Patronatus. In plures haeredes transit in solidum, utpote indivisible; ne tamen hac occasione simultates oriantur, et iurgia, ut pluries accidisse legimus maximo Ecclesiarum damno, et scandalio Populorum, editae sunt plurimae Constitutiones. In cap. 1. et 2. b. tit. quae desumpta sunt ex Conciliis Cabillonensi, et Triburiensi saeculi noni, statuit hoc in casu cessionandum à Divinis esse in tali Ecclesia, tollendas reliquias, et claudens ostia ab Episcopo, si aliter consulere non potuerit: coeterum Alexander III. in cap. 3. b. tit. aliud voluit; decrevit enim in Concilio Lateran. ut si haeredes potestate, in qua eos Ecclesia hucus sustinuit, abutuntur, et, cum una Ecclesia unius debeat esse Rectoris, pro sua dissensione plurimos repraesentant, si forte in plures partes eorum vota se diviserint, ille praefaciatur Ecclesiae, qui maioribus iuvatur meritis, et plurimorum eligitur, et approbatur assensu. Si autem hoc sine scandalo esse nequerit, ordinet Antistes Ecclesiam, sicut melius eam secundum Deum viderit ordinandam. Haec regula, dum casus emerserit, servanda est, cum Concilii generalis sit, et posterior praecedenti; imò et, ni fallor, spiritui, atque utilitatib[us] Ecclesiae magis consona.

In-

Innocentius III. in cap. 27. b. tit. ut occurreret damnis, quae viduatis Ecclesiis oriuntur si de iure Patronatus, vel potius praesentandi, iurgia, et contentiones exurgant, statuit, quod, si ab eo, cui competit, quaestio intra quatuor menses non fuerit definita, Episcopus extunc Ecclesiam ipsam de persona idonea ordinare non differat, ita tamen, ut illi ex hoc non debeat in posterum praeiudicium generari, qui ius evicerit Patronatus, id est pro quo discussa causa sententia definitiva lata fuerit.

In cap. 4. quod ex eodem Concilio Lateran. de promptum est, anathematis poena infliguntur Patronis laicis, qui, Episcoporum auctoritate neglecta, Clericos instituunt, aut destituere pro sua voluntate audent. Hoc autem Patronis ecclesiasticis prohibatum est aequè, cum absque privilegio instituto, aut destituto, non ad eos, sed ad Episcopos pertineat, servata tantum ipsis Clericos idoneos praestandi facultate.

Prohibentur quoque in eodem capite possessio-nes, aliaque bona ecclesiastica pro sua voluntate dis-tribuire: quod minimè videtur obstat curiae, et vigilantiae, quām impendere possunt Patroni circa administrationem bonorum Ecclesiae Patronatae; nam ibi abusus damnatur illa occasione Patronatus dissipandi.

Eodem sensu interpretanda venit Tridentina sanctio in sess. 25. de Reform. cap. 9. quae apud nonnullas gentes recepta non est, et in qua definitur Patronos beneficiorum, etiamsi verè de iure Patronatus ipsorum ex foundatione, et dotazione sint, nullatenus, nullavè causā, seu occasione se ingenerere posse in perceptione fructuum, proventum, aut obventionum quorūcunque beneficiorum, sed debēre illos liberè Rectori, seu Beneficiato, non obstante etiam quacunque constitutudine, distribuendo dimittere.

Pro-

Profectò in hoc, aliisque decretis Concilii Trid. derogatum non fuit legitimis Patronorum iuribus, ut protestant Patres initio praedicti capituli: stabilitate tantum fuere rectissimae regulæ, ne pro vero legitimo iure habeantur quorundam Potentiorum usurpationes; neve Patronatus occasione minus digni, minusque idonei Ministri deputentur Ecclesiis, quod non solum Ecclesia, sed et Principes optaverant statuentes, ut Patroni Clericos praesentarent iudicio, et examine Episcoporum idoneos. Tandem Patrum Tridentinorum in praedicta specie mens fuit, ut tollerent abusus, qui irrepererant occasione curiae à Patronis impendentes; cum, si in legitimis terminis sese contineant, conforme admodum sit Ecclesiae votis, quod Patroni tuitioni ecclesiasticarum rerum invigilent; quapropter iuditium etiam eis non nunquam fuit nomen Defensorum (1). Hic obiter adnotare iuvat, Advocatiam, de qua in cap. 6. b. tit. mentio fit, cuique tribuuntur effectus Patronatus, non aliunde, quam ex huiusc defensionis abuso emanare.

Tributa Fundatoribus, eorumque haeredibus præsentatione, cavéri debuit, ne ob negligientiam diu Ecclesias vacare paterentur: definita ergo fuere certa tempora, intra quae præsentantur debent, ni iure suo pro ea vice cadere velint. Id primum factum fuit in Concilio Rom. sub Pontifice Eugenio II. circa ann. 825. aut in eo, quod sub Leone IV. habitum fuit circa annum 850. assignatusque fuit Patronis Laicis terminus

(1) Fuerunt à primis saeculis alii defensores à Patronis diversi: nam saeculo quinto Africani Patres ab Imperatoribus flagitabant, ut sibi licet Defensores nominare è numero Causidicorum, seu Advocatorum: deinde vero agnoscens Ecclesia, vim Potentiorum non tam argumenti avyertendam, quam oppositis ex adverso viribus, Magnum, et Regum auxilium imploravit. Meminit huius protectionis etiam Sinodus Tridentina, eaque præcipuum semper fuit Regum nostrorum ornamenti, præcipua cura, atque sollicitudo.

nus trium mensium, computandus ab admonitione Episcopi, nulla facta mentione Ecclesiasticorum. In Concilio Lateranensi sub Alexandro III. concessum fuit idem temporis spatium, coeterum à die notæ vacationis numerandum: deinde vero traductum moribus fuit ad quatuor menses, aut, ut Berardus putat, errore Amanuensium.

Hinc patet falsam quoque esse vulgarem illam opinionem, quae praedicat nulla tempora assignata Patronis fuisse ante praedictum Concilium Lateranense.

Patronis Ecclesiasticis indultum fuit semestre, desumpto exemplo à Collatoribus, quibus magis accedere visi sunt.

Animadvertisendum hic est hanc intra certa tempora præsentandi necessitatem minimè comprehendere Patronatum, qui Regibus nostris competit ab antiquissimis temporibus in Ecclesiis omnibus in Dictationibus suis sitis: in que et alia singularia conspiuntur; veluti, quod reservationibus, affectionibus que Pontificis non subjaceat: quod per præscriptionem ab aliis adquiri nequeat; neque ab ipsis Regibus amitti ob non usum.

Primitus temporibus ignota erat differentia inter Patronos Laicos, et Ecclesiasticos: deinde vero inducta fuit, licet non satis constet quoniam tempore id acciderit. Plurimum expedit hodie eam accuratè observare, postquam unicuique diversae assignatae sunt regulæ: ideò ea saltem hic adjungere debére censemus, ex quibus præsertim dignoscitur qualitas cuiusque Patronatus: alias autem latissime patet haec materia.

Patronatus qualitas desumenda non est à persona Fundatoris, aut Patrōni, sed à qualitate bonorum, quibus erecta, aut dotata fuit Ecclesia, aut Beneficium, de cuius Patronatu queritur; si nimis dubitatio sit de Patronatu dotatione, aut erectione

ad.

adquisito: nam si à privilegio ille descendat, consuere oportebit literam fundationis.

N. Patronus Eclesiae, quae bonis laicis fundata, aut dotata fuerit, erit laicus, quāvis Fundator, aut Dotator Ecclesiasticus sit: è converso Ecclesiasticus dicetur, quōties fundatio, aut dotatio bonis ecclesiasticis facta fuit: nam, ut optimè ratiocinatur Berardus, Patronatus est remuneratio, seu reparationis Eclesiae, et beneficii; qualitas ergo donatarum rerum attendenda est, ut conjiciatur conditio huius remuneracionis: quae ratio facilius, mea sententia percipietur, si addamus quod notum omnibus est, nimirum plus conferre Eclesiae eum, qui bona laicalia ipsi donat, quām illum, qui tantum ecclesiastica in eam transfert: iustum propterea est, quod attendatur natura collatarum rerum, cum pinguis sit remuneratio in Patronatu laico, quām in ecclesiastico. Si bona huiusmodi partim laica sint, partim ecclesiastica, exurget Patronatus mixtus.

Censem Van Espenius, eumque sequitus Scriptor Hispanus novissimus, in dubio Patronatum reputari débet laicum: ego verò, qui non tam Patronorum auctoritate vinci solo, quam momentis rationum, contrarium verius existimo. Profectò, regulae omnes, quae de natura privilegiorum, aut obligationum interpretanda loquuntur, suadent, ut id in dubio amplectamur, quod minus gravat, quodque minus recedit à iure ordinario: iam verò neminem latet ius Patronatus privilegio inniti, et plus deviare à iure ordinario Patronatum laicum, upote, qui magis coeret Collatores ordinarios: deinde, nihil pendens est Ecclesiariam, atque beneficiorum libertas? Innuit haec fundamenta Berardus; eis verò aliud adjici posse puto, et quidem non omnino contemendum. Asserit Van-Espenius *part. 2. tit. 25. cap. 2. n. 8.* ius Patronatus, quod alicui, sive Clerico, sive Laico competit ratione proprii patrimonii, non

non Beneficii, vel Eclesiae, appellari Laicale: deinde subiungit ex Emmanuele Gonzalez, neque interesse, quod patrimonium illud adquisitum sit intuitu Eclesiae; quia, cum ex generali consuetudine Clerici de talibus bonis testari possint, et in illis eis ab intestato succedatur, sicuti in patrimonialibus, videtur Clericos dotans, vel extruens Eclesiam sibi, suisque haeredibus, et consanguineis ius Patronatus ratione patrimonii reservasse; et ita laicale iudicari. Denique ex Francisco le Roy haec verba adducit: *Verius est, quod, si dubium sit, quale sit ius Clerico competens, an laicum, an ecclesiasticum, in dubio iudicandum esse laicale, quia Clerici nihil babere praesumuntur in bonis, ut de S. Augustino Possidius; et quia omnes ferè antiqui Canones, ubi de iure Fundatorum agunt, tantum de laicis, et eorum haeredibus.* Non nisi fusiori calamo, qui tamen suscepto instituto minimè congruit, exprimi valet nostrum de iis, aliisque non paucis Auctoris, certè gravissimi, iudicium: pauca tamen hic praelibare licebit. Et quidem in primis, equis non statim agnoscit, quām parum inter se consistant predictae rationes, et testimonia? Disciplina, quae temporibus Augustini observabatur praesertim verò in Clero Hippone, qui ab ipso communi vitae sub certa regula peragendae redactus fuerat, nihil omnino proprium Clericis permittebat, saltem in bonis ecclesiasticis, nec quoad administrationem; eaque prae oculis fuit Francisco le Roy: Gonzalezius autem hodiernis temporibus sententiam suam accommodavit, in quibus, si de bonis ipsis intuitu Eclesiae quæsitis, perinde ac de profanis omnino, inter vivos, aut in ultima voluntate disponant, legibus sustinentur. Deinde, non facile effungi posse reor speciem, in qua Clericus sub Augustini regula constitutus, habere quidem valeat Patronatum Laicum, minimè verò Ecclesiasticum. Si inepta non est ratio à paupertate Clericorum desumpta.

ta , atque exemplo Augustini confirmata , potius excludet Patronatum laicalem à persona Clerici , attentā scilicet qualitate , quae cum ipso Patronatu exurget in limine fundationis , aut dotationalis . Unico tantum casu locus esse posset rationi à Francisco le Roy allatae , quoties nempe nescitur quisnam , aut cuius conditionis Fundator , aut Dotator fuerit : nam tuoc dici posset , eum praesumendum Laicum , bonaque , quibus dotata , aut erecta fuit Ecclesia , censenda esse saecularia , ex eo , quod Clerici nihil in bonis habere praesumuntur , quibus fundare Ecclesiam potuerint , aut ipsi dotem constituere . Coeterum , aut incongrua haec ratio his temporibus est , aut funditus evertit fundamenta à Gonzalecio adducta : nam si illam consideramus disciplinam cum le Roy , iuxta quam nihil iuris Clericis est in bonis intuitu Ecclesiae quae sitis , frustra cum Gonzalecio confugiemus ad hodiernam beneficiorum formam , administrationisque peculii eclesiastici rationem . Tandem , ut de ratione à Gonzalecio adducta speciatim loquamur , actum erit de Patronatu eclesiastico ex fundatione , aut dotatione , dummodo ea admittatur : si enim ex eo solum , quod hodie Clerici in foro externo se gerere possint in bonis Ecclesiae intuitu adquisitis non secus , ac in patrimonialibus , aestimandus est laicus Patronatus Ecclesiae ex bonis illis fundatae , aut dotatae ; quandonam quae sit exurget Patronatus eclesiasticus ex natura fundationis , sive ex qualitate bonorum donatorum ? Sed in viam iam redeamus .

Patronatus Eclesiasticus nonnunquam censetur , qui inspecta sui origine existimandus foret laicalis , si nimirum translatus fuerit in Dignitatem aliquam eclesiasticam , Officium , Capitulum , aut Monasterium , cap. un. de Iure Patronatus in 6. et moderna praxis ea est iuxta Van Espenium , ut Patronatus reputetur eclesiasticus eo ipso , quod probetur illum com-

competere ratione dignitatis , aut tituli eclesiastici , quin amplius inquiratur de eius origine .

Agnoscitur apud nos alia species Patronatus laici , sive laicorum , longè distans à superiori ; cum nimirum Missarum , aut alterius pii operis gravamen imponit bonis à Testatore in perpetuum , quin ulla-tenus auctoritas Episcopi interveniat . In iis autem , sive Patronatibus Laicorum , sive Capellaniis Laicalibus , aut alio quoque appellentur nomine , nihil appetat eclesiasticum ; quapropter etiam Laici , coniugati , et foeminae succedunt , cunctaque ad legum civilium normam ordinantur à Magistratibus saecularibus , iuxta receptas in Maioribus regulas .

Quoties Patronatus est mixtus , quod quando accidat supra innuimus , communicantur privilegia utriusque speciei concessa , ita ut , dum casus occurrerit , illa qualitas attendatur , que magis favet Patronis , Patronatusque conservationi .

Assignantur aequè alias Patronatus divisiones ; sic aliud dicitur realis , qui scilicet fundo alicui , aut ali rei adhaeret , aliud personalis . Deinde quandoque haereditarius est , quandoque gentilitius , aut familiaris . Primo casu transit ad quoslibet haeredes , qui tamen capaces sint eius iuris adquirendi : gentilitius autem , vel familiaris illis solum potest competere , qui fuerint in certa familia , aut gente . Postremò dividitur in activum , et passivum , quo nomine impropiè significatur ius illis competens , qui vocati fuere in limine fundationis ad erecti beneficii ademptionem , et in quibus fieri praesentatio debet ab iis , qui Patronatum activum cum facultate praesentandi habent , iuxta formam à Fundatore prescriptam . In eo autem appetat aliud ius singulare ab Ecclesia concessum Fundatoribus Beneficiorum , aut Capellaniarum ; nam iuxta communes regulas sustineri neutiquam posset proximiorum ex aliqua familia , aut gente vocatio ; nec etiam nuda praelatio .

De causis, quibus ius Patronatus constituitur, et adquiritur, non minimae excitari solent quaestiones, in quibus immorari nobis haud licet: sed generales saltem, receptasque regulas breviter expendemus, nequid ad materiam spectans intactum maneat.

3. Praecipuum ex his causis esse fundationem, dubium non est, cui adiunguntur privilegium, et praescriptio. Coeterum dubitari non semel contingit, dicens ne quis sit Ecclesiae Fundator. Quid enim, si fundum tantum, aut aream concesserit, ut in ea Ecclesia construatur alterius impensis, aut si quis erectam iam Ecclesiam dotaverit? Propriè Fundator dici non poterit, neque ius Patronatus ipsi competere: nam sacri canones, dum de Patronatu Fundatoribus tribuendo loquantur, de veris agunt Fundatoribus; de illis nempe qui iuxta praescriptum ipsorum canonum Ecclesiam suis sumptibus erigunt cum competenti dote. Nihilominus ex levibus, modicisque causis indulgeri coepit Patronatus, praesertim saeculo decimo quinto: unde plures editae fuerunt Pontificiae Constitutiones, ut huic incommmodo occurseretur. Tandem in Concilio Tridentino certae stabilitatiae regulae sunt, iuxta quas non quaelibet constructio, aut dotatio sufficit. Et quidem in sess. 14. de Reform. cap. 12. ita statuitur: *Nemo, etiam cuiusvis dignitatis ecclesiasticae, vel saecularis, quacunque ratione, nisi Ecclesiam, Beneficium, aut Capellam de novo fundaverit, et construxerit; seu iam erectam, quae tamen sine sufficienti dote fuerit, de suis propriis, et patrimonialibus bonis competenter dotaverit; ius Patronatus impetrare, aut obtinere possit, aut debit. Deinde in cap. 9. sess. 25. de Reform. iniungit Ordinariis, ut, etiam tanquam Sedis Apost. Delegati, diligenter cognoscant Patronatus quoquaque adquisitos in Ecclesiis, Dignitatibus, aut Beneficiis antea liberis à quadraginta annis citra, et in futurum adquirendos, seu ex augmento dotis, seu*

ex

ex nova constructione, vel alia simili causa, etiam auctoritate Sedis Apostolicae; et quos non reperirent ob maximè evidentem Ecclesiae, Dignitatis, vel Beneficii necessitatem legitimè constitutos esse, in totum revocent; atque beneficia huiusmodi sine damage illa possidentium, et restituto Patronis eo, quod ab eis idcirco datum est, in pristinum libertatis statum reducant, non obstantibus constitutionibus, privilegiis, et consuetudinibus, etiam immemorabilibus.

Quod ad praescriptionem attinet, non satis convenienti Doctorum placita: certum quidem in primis est, atque ab omnibus receptum, trigesima annorum, aut minoris temporis praescriptionem locum hac in re non habere: iaudi enim Ecclesiis illud privilegium competit, ut adversus eas quadragenaria ad minus praescriptio requiratur: utrum autem haec sufficiat etiam dum de Patronatu probando agitur, post Concilium scilicet Tridentinum, disputatur. Sanè in predicta Conciliari sanctione primùm mentio fit multiplicatarum presentationum per antiquissimum temporis cursum, qui hominum memoriam excedat; unde praescriptio tantum immemorialis foret admittenda; cum tamen non excludantur in ea aliae probations secundum iuris dispositionem, admittenda etiam erit, iuxta Sinodi mentem, et verba, quadragenaria. Exceptio est in iis personis, seu Communibilitibus, vel Universitatibus, in quibus id ius plerumque ex usurpatione potius quaesumitur: nam in eis iuxta Concilium plenior probatio requiritur, neque immemorabilis temporis probatio aliter suffragatur, quam si, praeter alia ad eam necessaria, praesentationes, etiam continuatae, non minori saltem, quamquinquaginta annorum spatio, que omnes effectum sortitae sint, authenticis probentur.

Observandum hic est, predicta locum non habere, quoties constat quidem Patronatus, concertatio autem est inter duos, aut plures, quorum quisque

que sibi illum competere asserit; tunc enim servandae erunt generales iuris regulae.

Ante Concilium Trident. privilegio Patronatum concedebant Episcopi, quasi haec species non comprehendetur in prohibita rerum ecclesiasticarum alienatione, ut observat Berardus cum Cardinali de Luca: hodie verò tantum Summo Pontifici hoc licet. Coeterum apud nos hisce Pontificis concessionibus locum esse non posse palam est omnibus.

Transferunt ius Patronatus, non tantum post mortem possessoris, sed et eiusdem facto inter vivos, nisi aliud in tabulis fundationis cautum fuerit. Quaenam observanda sint in singulis huiuscmodi translationibus, sive inter vivos, sive successione post mortem exponere longum fore: consuluntur Cardinalis de Luca, Pitonius, aliqui, qui latissimos hac de re ediderunt tractatus: sicuti et de casibus, in quibus amittitur Patronatus ex natura rei, voluntate Fundatoris, vel facto ipsius Patroni.

TITULUS XXXIX.

De Censibus, Exactionibus, et Procurationibus.

Nomine Census comprehenduntur in hoc Titulo pensitationes, seu tributa, quae solvi debent ab Ecclesiis Episcopo, Metropolitano, aut S. Pontifici. Haec varia sunt tam quo ad quantitatem, et modum solutionis, quam quoad originem: in plerisque etiam Regionibus peculiarem sumperunt formam ex novis pactiōibus, aut in desuetudinem abierunt; quapropter nihil certum tradi potest, sed consulendae sunt singulares cuiusque Nationis, et Dioecesis consuetudines, et pactiones. Nihilominus nonnulla referam, ex quibus notio aliqua desumatur.

Non semel animadvertere debui, primis saeculis

lis universam peculii ecclesiastici administrationem Episcopos gessisse; deinde verò eam partim tributam Parochis, et Ministris etiam inferioribus: iam verò, quando Episcopi hoc ius remisserunt, reservarunt sibi nonnulli in quibusdam Ecclesiis, sive in decimis, aut primitiis, sive in funerariis, aut aliis oblationibus; tum, ut necessariis ad sui sustentationem non carerent, tum etiam in signum generalis administrationis. Deinde inductum etiam fuit quod Episcopo, aut Metropolitano visitanti tribuerentur à dioecesani virtutalia, quae hodie intelligimus sub nomine Procuratio[n]is, et de quibus agens Concilium Lateranense anni 1179. admonet Episcopos ne graves in eis exigendis existant, nec sumptuosas epulas querant, ita ut longi temporis victum brevis hora consumat: exemplarque eis proponit Apostoli, qui se, ac suos propriis manibus decrevit exhibendos, ut locum praedicandi auferret Pseudoapostolis, et ut illis, quibus praedicabat, non existaret onerosus, cap. 6. b. tit. Obtinuit etiam, ut in honorem Cathedrae praeberentur Episcopo quiddam nummi sub nomine Cathedraci, aut Sinodati. Sed et alia quantitas tribuebatur eidem sub nomine Charitativi Subsidii, ne inopia eum laborare contigeret. In his autem omnibus ne ab Episcopis, vel Rectoribus nova gravamina Ecclesiis inferantur, aut antiqua augentur, pluries statutum est; eoque spectant capita 3. 5. 6. 7. 8. 9. 11. 12. 15. 20. 26. et 27. b. tit. Summis quoque Pontificibus concedi conseruerunt subsidia nonnulla. In cap. 12. mentio fit denarii argentei, quod Ina, Anglorum Rex solvi iusserat annuatim à suis Successoribus in aeternum pietatis, ac venerationis erga Romanam Sedem pignus. Denique Advo-catis etiam, atque Defensoribus Ecclesiarum tribuebantur nonnullae pensiones. Ex multiplicibus autem hisce praestationibus variae oriri debuerunt contro-versiae, quibus non alter finis est impositus, quam tran-